

# Boazodoalli sadjásašveahkki



# Sadjásašveahkkegeahččaladdan golmma jahkái

---

Boazodoalliid sadjásašveahkkegeahččaladdan álgá jagi 2010 álggu rájes ja lea fámus golmma jagi nu, ahte nohká jagi 2012 loahpas.

Boazodoalli sáhtá oažžut sadjásašveahkkebuhtadusa, go son buohcuvuođa dahje bártti dagahan bargonávccahisvuođa dihte háhká alccesis sadjásašveahki boazobargguid várás. Sadjásašveahkegolut buhttejuvvojit sadjásašveahkkebuhtadusa vuodul, mii máksojuvvo sutnje maŋálgihiti.

**Sadjásašveahkkebuhtadusa sáhttet oažžut** dat boazodoallit, geain lea bák-kolaš eanadoallofitnodatbargi MYEL-oadju dahje ohcamuš dutkojuvvomin oaju oažžun dihte. Boazodoalli galgá oamastiit uhcimustá 50 lohkobohcco.

**Sadjásažžan sáhtá doaibmat** eará boazodoalli dahje eará fitnodatolmmoš, geas lea Y-dovddaldat ja gustojeaddji ovdabearranregistara merkejupmi. Y-dovddaldaga ja ovdabearranregistara gustonáiggi sáhtá dárkkistit internehtas čujuhusas [www.ytj.fi](http://www.ytj.fi).

Sadjásažžan sáhtá maiddáa doaibmat dakkár olmmoš, guhte lea bargogaskavuodas boazodoallái. Dalle boazodoalli vástida bálkámáksimis oktan sosiáladorvogoluiguin. Lassedieđut gávdnojit čujuhusas [www.palkka.fi](http://www.palkka.fi).

Boazodoalli bearašlahttu ii goittotge sáhte doaibmat sadjásažžan. Bearašlahttu<sup>7)</sup> adnojuvvo náittos- dahje orrunguoibmi sihke boazodoalli dahje su náittos- dahje orrunguoimmi vuollel 18-jahkásaš mánná, mánámánná dahje biebmománná, guhte eallá fásta boazodoalli dálloalalus.

## Buhtadusa oažžuma eavttut

---

Sadjásašveahkkebuhtadusa sáhtá máksit, jos sadjásašveahkkedárbu boahtá buohcuvuođa dahje bártti dagahan bargonávccahisvuođas. Jos sadjásašveahkki bistá ovttá manu badjel čieža beaivvi, de galgá leat doaktárvuođastus, jos háliida oažžut buhtadusa badjelmanni beivviin.

Sadjásašveahkkebuhtadusa ii sáhte oažžut dakkár boazodoalli, guhte oažžu dievas bargonávccahisvuođaealáhaga, dievas bargonávccahisvuođaealáhaga sturrosaš veajuiduhtindoarjaga dahje bargguhisvuođaealáhaga.

Buhtadusa ii oaččo maiddáa dalle, jos boazodoalli bearašlahtus livččii lean vejolašvuohta fuolahit sadjásašveahkkebargguin. Geahča ovdalis, mo bearašlahttu<sup>7)</sup> meroštallo.

**Sadjásašveahkkebuhtadusa sáhtá oážžut MYELa mielde oajuhanvuloš boazodoallobarggu ovddas**, man boazodoalli livččii almmá iežas bargonávcahisvuoda haga bargan iežas, bearašlahtu dahje bálgosa lohku. Sadjásašveahki vuodul barggahuvvon bargu galgá leat sadjásašveahki geavahettiin vealtameahtun iige dan sáhte sirdit manjelii.

**Sadjásašveahkkebuhtadusa ii oaččo**, jos boazodoallobargu bargojuvvo eará fitnodahkan dahje Bálgosiid Ovtastusa lohku dahje jos bargu lea váldojuvvon vuhtii MYEL-oajus, go leat meroštallon šaddaduvvon eanadoalloeatnama bargoboadut. Buhtadus ii máksojuvvo maiddá barggus, man ollašuttimii lea juolluduvvon eará almmolaš ruhtadandoarjja.

Sadjásašveahki ii sáhte geavahit daid bargguid dikšumii, maid bálggus barggaha bargo- dahje bargogohčusgaskavuodas dahje luohhtámuš- dahje hálddahusbarggu dikšumii. Dan ii oaččo maiddá geavahit boazobuktaga ovddosdikšumii, jos jearldat ii leat boazobuktaga seailuma dáfus vealtameahtun barggus.

## Buhtadus sadjásašveahkis

---

Sosiála- ja dearvasvuodaministeriija nanne jahkásaččat buhttenvuloš sadjásašveahkkediimmuid alimusmeari. 2011:s buhtadus sáhtá leat eanemustá 150 diimmu boazodoalli nammii. Sadjásašveahki lágidangoluin boazodoalli oážžu buhtadusa eanemustá 17,30 euro diimmus. Dát alimusbuhtadus dárkkistuvvo jahkásaččat bálkágerddona vuodul.

**Ohcamuš sadjásašveahkkebuhtadusas sáddejuvvo** Melai dahje lagamus Mela-áššealbmái. Ohcamuš galgá dahkkojuvvot guovtte mánotbaji sisa sadjásašveahkebaji nohkama rájes. Manjimuš geahččaladdanjage ohcamuš galgá dahkkojuvvot goittotge manjimustá 31.12.2012.

Ohcamuššii galgá laktojuvvot boazoisida cealkámuš sadjásašveahkkebuhtadusa dievneavttuin. Cealkámuša addá dan bálgosa boazoisit, man osolaš sadjásašveahki geavahan boazodoalli lea. Jos sadjásašveahkkebuhtadus ohccojuvvo badjel čieža beaivvis, de ohcamuššii galgá laktojuvvot maiddá doaktárduodaštus.

Ohcamušskovit gávdnojit Mela interneahhtasiidduin [www.mela.fi](http://www.mela.fi). Skoviid fidne maiddá Mela-áššealbmás, guhte oahpista sadjásašveahkkebuhtadussii guoskevaš áššiin.

**Sadjásašveahkkebuhtadus máksojuvvo** álo buhtadusa ohcan boazodoallái, ii sadjásašveahke bargái.

Go bargonávccahisvuolta deaivida du, de doaimma ná:

- Hága iežat barggu várás sadjásačča.
- Almmut seammás bálgoša boazoisidii sadjásašveahki geavaheamis.
- Mávsse buhtadusa sadjásažžii. Jos sadjásašveahkki lea bargojuvvon bargogaskavuodas, de fuolat maddái sosiáladorvomávssuin.
- Sádde sadjásašveahkkebuhtadusohcamuša vejolaš čuvvosiiguin Melai dahje Mela-áššealbmái.

Dárkilet dieđuid fidnet min interneahttasiidduin [www.mela.fi](http://www.mela.fi),  
Mela-áššealbmás dahje čuojahemiin Melai, tel. 020 630 0500.



# Mela

Eanadoallofitnodatolbmuid ealahatládus  
Revontulentie 6, 02100 Espoo  
tel. 020 630 0500, [www.mela.fi](http://www.mela.fi)